



Broj: 0101-5831/23
Sarajevo, 28.05.2023. godine

Na osnovu člana 65. Zakona o visokom obrazovanju („Službene novine Kantona Sarajevo“, broj: 36/22) i člana 62. Statuta Univerziteta u Sarajevu, a u skladu sa članom 5. stav (1), članom 6. stav (2) i članom 7. stav (6) Zakona o kontroli i ograničenoj upotrebi duhana, duhanskih i ostalih proizvoda za pušenje („Službene novine Kantona Sarajevo“, broj: 38/22; u daljem tekstu: Zakon), rektor Univerziteta u Sarajevu donosi *s l j e d e ć u*:

ODLUKU

1. U svim zatvorenim javnim prostorima i mjestu rada na Univerzitetu u Sarajevu, mora biti postavljen **grafički znak** zabrane pušenja i **tekst** koji glasi:

Zabranjeno pušenje.

2. Nakon što Federalni ministar zdravstva donese provedbene propise, kojim će se propisati uslovi za posebne prostore za pušenje u smislu izuzetaka od zabrane pušenja (utvrđeni izuzeci u članu 7. Zakona), u takvim prostorijama i prostorima za pušenje moraju biti postavljena jasno vidljiva upozorenja koja se sastoje od grafičkog znaka dozvole pušenja i teksta koji glasi:

Prostor za pušenje. Pušenje je štetno za vaše zdravlje.

3. Obavezuju se nadležne stručne službe Univerziteta u Sarajevu za realizaciju ove Odluke.
4. Ovo Rješenje stupa na snagu danom donošenja.

Obrazloženje

Dana, 28.05.2022. godine, stupio je na snagu Zakon o kontroli i ograničenoj upotrebi duhana, duhanskih i ostalih proizvoda za pušenje („Službene novine Kantona Sarajevo“, broj: 38/22), a primjenjuje se godinu dana od dana stupanja na snagu Zakona.

Članom 5. stav (1) Zakona, propisuje se *da je pušenje zabranjeno u svim zatvorenim javnim prostorima, mjestu rada, i u javnom prijevozu.*

Nadalje, članom 6. Zakona, pod nazivom *Osiguranje provođenja zabrane pušenja*, nalaže se postavljanje grafičkog znaka pušenja uz tačno određeni tekst, kako je navedeno u tački 1. ove Odluke.

Član 7. Zakona, pod nazivom *Izuzeci od zabrane pušenja*, predviđa da će biti donosen podzakonski akt kojim se propisuju uslovi za posebne prostore za pušenje, u smislu tačke 2. ove Odluke.

U članu 32. Zakona, naznačeni su organi nadzora nad provedbom zakona, te od člana 35. do člana 39. navedeni su iznosi novčanih kazni za prekršaje za pravno lice (time i odgovorno lice), te fizičko lice, ukoliko ne poštuju odnosne odredbe.

S obzirom na navedeno, nalaže se primjena odredbi Zakona na Univerzitetu u Sarajevu, u smislu tačke 1. i 2. ove Odluke, od dana primjene ovog Zakona.



REKTOR
Prof. dr. Rifat Škrijelj

Akt sačinila:

Lamija Zvrko, dipl.iur. *LZ*

Akt kontrolisala:

Aida Hadžiselimović, dipl.iur.

Šef Službe za opće poslove *AH*

Sa sadržajem akta saglasan i usklađenost sa čl.126 Zakona o visokom obrazovanju („Službene novine KS“, broj: 36/22) potvrdio:

Generalni sekretar, Kenan Filipović, dipl.iur. *KF*

Dostaviti:

- Kabinet rektora
- Generalni sekretar
- Članicama Univerziteta u Sarajevu
- Služba za opće poslove
- a/a